

նու երկու հարիւր քսան ղուռուշ հոօմէացուց
 դրամ, որում պատասխանէ մերոյ հայոց երկու
 հարիւր վաթսուն և չորս երծաթ դրամ, և դա-
 տախագն այս գանգատողիս ուխտեաց զի հա-
 տուցանել 'ի վեր ասացեալ դրամն ժամանակաւ
 երկու ամաւ հանդերձ վաշխիւ 'ի ամենայն մի
 հարիւրի 'ի մի տարին 6 ղուռուշովն, վասն հաս-
 տատելոյ խօսքն գանգատողիս ներփակեցեալ 'ի
 այսմ ընծայեցի առ 'ի ատենն պատուելի յապա-
 րանիս Օրինակն վաշխապարտուց դատախազին
 նշանաւորեալ Ա. և յետ անցելոյ լրումն ժամա-
 նակին, ուխտի մերոյ գանգատողս բազմիցս ան-
 դամ սիրով և բարեկամութեամբ ելի 'ի խնդիր
 դատախազէ դրամիս և վաշխին մինչև ցայսօր ոչ
 գտի հատուցում, վասն այս պատճառի հայցեմ
 զի ելցէ պատուելի յապարանէն կոչումն դատա-
 խազին և իսկոյն պարտաւորել նմայ տալ երաշ-
 խաւոր վասն անձին իւրոյ մտանել 'ի դատաս-
 տան, և ակն ունեմ 'ի արդարութենէ դատողու-
 թեան ձերոյ զի հրաման տացէք դատախազին
 այս գանգատողիս, զի անթերի հատուցէ դրամն
 այս գանգատողիս վաշխիւն հանդերձ ծախիւն
 զոր ելանէ դատաստանիս, փոխանակ այսքան
 բարութեան հատուցանէ Տէր վարձս ձեր 'ի հան-
 դերձելումն:

Գրուեցաւ 'ի դրունս մայրաքաղաքին երե-
 ւանու: